



BOLETIN DEL CLERO
DEL
OBISPADO DE LEON.

PIUS EPISCOPUS

SERVUS SERVORUM DEI

Sacro approbante Concilio ad perpetuam rei memoriam.

Pastor æternus et episcopus animarum nostrarum, ut salutiferam redemptionis suæ opus perenne redderet, sanctam ædificare Ecclesiam decrevit, in qua veluti in domo Dei viventis fideles omnes unius fidei et charitatis vinculo continerentur. Quapropter, priusquam clarificaretur, rogavit Patrem non pro Apostolis tantum, sed et pro eis, qui credituri erant per verbum eorum in ipsum, ut omnes unum essent, sicut ipse Filius et Pater unum sunt (1). Quemadmodum igitur Apostolos, quos sibi de mundo elegerat, misit, sicut ipse missus erat á Patre: ita in Ecclesia sua Pastores et Doctores usque ad consummationem sæculi esse voluit. Ut vero Episcopatus ipse unus et indivisus esset, et per cohærentes sibi invicem sacerdotes credentium multitudo universa in fidei et communionis unitate conservaretur, beatum Petrum cæteris Apostolis præponens in ipso instituit perpetuum utriusque unitatis principium ac visibile fundamentum, super cuius fortitudinem æternum extrueretur templum, et Ecclesiæ cælo inferenda sublimitas in hujus fidei firmitate consurgeret (2). Et quoniam portæ inferi ad evertendam, si fieri posset, Ecclesiam contra ejus fundamentum divinitus positum majori in dies odio undique insurgant; Nos itaque ad catholici gregis custodiam, incolumitatem, augmentum, sacro approbante Concilio, necessarium esse judicamus, doctrinam de institutione, perpetuitate, ac natura sacri Apostolici primatus, in quo totius Ecclesiæ vis ac soliditas consistit, cunctis fidelibus credendam et tenendam, secundum antiquam atque constantem

(1) Cf. Joan., XVII., 1 20 sq.

(2) S. Leo M., serm. IV. (al. III). cap. 2. in diem Natalis sui.

universalis Ecclesiae fidem, proponere, atque contrarios, dominico gregi adeo perniciosos errores proscribere et condemnare.

CAPUT I.

DE APOSTOLICI PRIMATUS IN BEATO PETRO INSTITUTIONE.

Docemus itaque et declaramus, juxta Evangelii testimonia primatum jurisdictionis in universam Dei Ecclesiam immediate et directe beato Petro Apostolo promissum atque collatum à Christo Domino fuisse. Ad unum enim Simonem, cui dixerat: «Tu vocaberis Cephas» (3), postquam ille suam confessionem edidit: «Tu es Christus, Filius Dei vivi,» locutus est Dominus: «Beatus es Simon Bar-Jona: quia caro, et sanguis non revelavit tibi, sed Pater meus, qui in caelis est: et ego dico tibi, quia tu es Petrus, et super hanc petram aedificabo Ecclesiam meam, et portae inferi non praevalent adversus eam: et tibi dabo claves regni caelorum: et quodcumque ligaveris super terram, erit ligatum et in caelis; et quodcumque solveris super terram, erit solutum et in caelis (4).» Atque uni Simoni Petro contulit Jesus post suam resurrectionem summi pastoris et rectoris jurisdictionem in totum suum ovile, dicens: «Pasce agnos meos: Pasce oves meas (5).» Huic tam manifestae sacrarum Scripturarum doctrinae, ut ab Ecclesia catholica semper intellecta est, aperte opponuntur pravae eorum sententiae, qui constitutam à Christo Domino in sua Ecclesia regiminis formam pervertentes negant, solum Petrum prae caeteris Apostolis, sive seorsum singulis, sive omnibus simul, vero proprioque jurisdictionis primatu fuisse à Christo instructum; aut qui affirmant eundem primatum non immediate, directeque ipsi beato Petro, sed Ecclesiae, et per hanc illi ut ipsius Ecclesiae ministro delatum fuisse.

Si quis igitur dixerit, beatum Petrum Apostolum à Christo Domino constitutum non esse Apostolorum omnium principem et totius Ecclesiae militantis visibile caput; vel eandem honoris tantum, non autem verae propriaeque jurisdictionis primatum ab eodem Domino nostro Jesu-Christo directe et immediate accepisse; anathema sit.

CAPUT II.

DE PERPETUITATE PRIMATUS PETRI IN ROMANIS PONTIFICIBUS.

Quod autem in beato Apostolo Petro Princeps Pastorum et Pastor magnus ovium Dominus Christus Jesus in perpetuam salutem ac perenne bonum Ecclesiae instituit, id eodem auctore in Ecclesia, quae fundata super petram ad finem saeculorum usque firma stabit, jugiter durare necesse est. Nulli enim dubium, imo saeculis omnibus notum est, quod sanctus beatissimusque Petrus, Apostolorum Princeps et caput, fideique columna et Ecclesiae catholicae fundamentum, qui à Domino nostro Jesu Christo et Salvatore humani generis ac Re-

(3) Joan., I., 42.

(4) Matth., XVI, 16-19.

(5) Joan., XXI., 15-17.



demptore claves regni accepit, ad hoc usque tempus et semper in suis successoribus, Episcopis sanctæ Romanæ Sedis, ab ipso fundatæ, ejusque consecratæ sanguine, vivit et præsidet et judicium exercet (6). Unde quicumque in hac Cathedra Petro succedit, is secundum Christi ipsius institutionem primatum Petri in universam Ecclesiam obtinet. Manet ergo dispositio veritatis, et beatus Petrus in accepta fortitudine petræ perseverans suscepta Ecclesiæ gubernacula non reliquit (7). Hac de causa ad Romanam Ecclesiam propter potentiorem principalitatem necesse semper erat omnem convenire Ecclesiam, hoc est, eos, qui sunt undique fideles, ut in ea Sede, e qua venerandæ communionis jura in omnes dimanant, tamquam membra in capite consociata, in unam corporis compagem coalescerent (8).

Si quis ergo dixerit, non esse ex ipsius Christi Domini institutione, seu jure divino, ut beatus Petrus in primatu super universam Ecclesiam habeat perpetuos successores; aut Romanum Pontificem non esse Beati Petri in eodem primatu successorem; anathema sit.

CAPUT III.

DE VI ET RATIONE PRIMATUS ROMANI PONTIFICIS.

Quapropter apertis innixi sacrorum litterarum testimoniis et inhærentes tum Prædecessorum Nostrorum Romanorum Pontificum, tum Conciliorum generalium disertis, perspicuisque decretis, innovamus œcumenici Concilii Florentini definitionem, qua credendum ab omnibus Christi fidelibus est, sanctam Apostolicam Sedem, et Romanum Pontificem in universum orbem tenere primatum, et ipsum Pontificem Romanum successorem esse Beati Petri Principis Apostolorum, et verum Christi Vicarium, totiusque Ecclesiæ caput, et omnium Christianorum patrem ac doctorem existere; et ipsi in Beato Petro pasce-di, regendi ac gubernandi universalem Ecclesiam à Domino Nostro Jesu Christo plenam potestatem traditam esse; quemadmodum etiam in gestis œcumenicorum Conciliorum et in sacris canonibus continetur.

Docemus proinde et declaramus, Ecclesiam Romanam disponente Domino super omnes alias ordinariæ potestatis obtinere principatum, et hanc Romani Pontificis jurisdictionis potestatem, quæ vere episcopalis est, immediatam esse: erga quam cujuscumque ritus et dignitatis Pastores atque fideles, tam seorsum singuli quam simul omnes, officio hierarchicæ subordinationis, veræque obedientiæ obstringuntur, non solum in rebus, quæ ad fidem et mores, sed etiam in iis, quæ ad disciplinam et regimen Ecclesiæ, per totum orbem diffusæ, pertinent; ita ut custodita cum Romano Pontifice tam communionis, quam

(6) Cf. Ephesini Concilii Act. III et S. Petri Chrysol. ep. ad Eutychn. presbyt.

(7) S. Leo M., Serm. III. (al. II.) cap. 3.

(8) S. Ires. adv. hæc. I. III. c. 3. et Epist. Conc. Aquilei. à 381 ad Gratian. Imper. c. 4. Cf. Pius VI., Brev. *Super soliditate*.

eiusdem fidei professionis unitate, Ecclesia Christi sit unus grex sub uno summo pastore. Hæc est catholicæ veritatis doctrina, a qua deviare salva fide atque salute nemo potest.

Tantum autem abest, ut hæc Summi Pontificis potestas officiat ordinariæ ac immediatæ illi episcopalis jurisdictionis potestati, qua Episcopi, qui positi à Spiritu Sancto in Apostolorum locum successerunt (9), tanquam veri Pastores assignatos sibi greges, singuli singulos, pascunt et regunt, ut eadem à supremo et universali Pastore asseratur, reboretur ac vindicetur, dicente sancto Gregorio Magno: «*Meus honor est honor universalis Ecclesiæ. Meus honor est fratrum meorum solidus vigor. Tum ego vere honoratus sum, cum singulis quibusque honor debitus non negatur* (10) »

Porro ex suprema illa Romani Pontificis potestate gubernandi universam Ecclesiam jus eidem esse consequitur, in hujus sui muneris exercitio libere communicandi cum pastoribus et gregibus totius Ecclesiæ, ut iidem ab ipso in via salutis doceri ac regi possint. Quare damnamus ac reprobamus illorum sententias, qui hanc supremi capituli cum pastoribus et gregibus communicationem licite impediri posse dicunt, aut eandem reddunt sæculari potestati obnoxiam, ita ut contendat, quæ ab Apostolica Sede vel ejus auctoritate ad regimen Ecclesiæ constituuntur, vim ac valorem non habere, nisi potestatis sæcularis placito confirmentur.

Et quoniam divino Apostolici primatus jure Romanus Pontifex universæ Ecclesiæ præest, docemus etiam et declaramus, eum esse judicem supremum fidelium (11), et in omnibus causis ad examen ecclesiasticum spectantibus ad ipsius posse judicium recurri (12); Sedis vero Apostolicæ cujus auctoritate major non est, judicium à nemine fore retractandum, neque cuiquam de ejus licere judicare (13). Quare à recto veritatis tramite aberrant, qui affirmant, licere ab iudiciis Romanorum Pontificum ad œcumenicum Concilium tanquam ad auctoritatem Romano Pontifice superiorem appellare.

Si quis itaque dixerit, Romanum Pontificem habere tantummodo officium inspectionis vel directionis, non autem plenam et supremam potestatem jurisdictionis in universam Ecclesiam, non solum in rebus, quæ ad fidem et mores, sed etiam quæ ad disciplinam et regimen Ecclesiæ per totum orbem diffusæ pertinet; aut eum habere tantum potiores partes, non vero totam plenitudinem hujus supremæ potestatis; aut hanc ejus potestatem non esse ordinariam et immediatam, sive in omnes ac singulas ecclesias, sive in omnes et singulos Pastores et fideles, anathema sit.

(9) Conc. Trid. Sess. 23., cap. 4.

(10) S. Gregor. M. ad Eulog. Alexandrin. ep. XXX.

(11) Pii PP. VI. Breve «Super soliditate» d. 28. Nov. 1786.

(12) Concil. Œcum. Lugdun. II.

(13) Ep. Nicolai I. ad Michælem Imperatorem.

CAPUT IV.

DE ROMANI PONTIFICIS INFALLIBILI MAGISTERIO.

Ipsa autem Apostolico primatu, quem Romanus Pontifex tamquam Petri Principis Apostolorum successor in universam Ecclesiam obtinet, supremam quoque magisterii potestatem comprehendit, hæc Sancta Sedes semper tenuit, perpetuus Ecclesiæ usus comprobatur, ipsaque œcumenica Concilia, ea imprimis, in quibus Oriens cum Occidente in fidei charitatisque unionem conveniebat, declaraverunt. Patres enim Concilii Constantinopolitani quarti, majorum vestigiis inhærendo, hanc solemnem ediderunt professionem: «Prima salus est, rectæ fidei regulam custodire.» Et quia non potest Domini Nostri Jesu Christi prætermitti sententia dicentis: «Tu es Petrus, et super hanc petram ædificabo Ecclesiam meam» (14), hæc, quæ dicta sunt, rerum probantur effectibus, quia in Sede Apostolica immaculata est semper catholica reservata religio, et sancta celebrata doctrina. Ab hujus ergo fide et doctrina separari minime cupientes, speramus, ut in una communione, quam Sedes Apostolica prædicat, esse mereamur, in qua est integra et vera Christianæ religionis soliditas (15). Approbante vero Lugdunensi Concilio secundo, Græci professi sunt: «Sanctam Romanam Ecclesiam summum et plenum primatum et principatum super universam Ecclesiam catholicam obtinere, quem se ab ipso Domino in beato Petro Apostolorum Principe sive vertice, cujus Romanus Pontifex est successor, cum potestatis plenitudine recepisse veraciter et humiliter recognoscit; et sicut præ cæteris tenetur fidei veritatem defendere, sic et, si quæ de fide subortæ fuerint quæstiones, suo debent judicio definire.» Florentinum denique Concilium definivit: «Pontificem Romanum, verum Christi Vicarium, totiusque Ecclesiæ caput et omnium Christianorum patrem ac doctorem existere; et ipsi in beato Petro pascendi, regendi ac gubernandi universalem Ecclesiam à Domino Nostro Jesu Christo plenam potestatem traditam esse» (16).

Huic pastorali muneri ut satisfacerent, Prædecessores Nostri indefessam semper operam dederunt, ut salutaris Christi doctrina apud omnes terræ populos propagaretur, parique cura vigilarunt, ut ubi recepta esset, sincera et pura conservaretur. Quocirca totius orbis Antistites nunc singuli, nunc in Synodis congregati, longam Ecclesiarum consuetudinem (17) et antiquæ regulæ formam sequentes (18), ea præsertim pericula, quæ in negotiis fidei emergebant, ad hanc Sedem Apostolicam retulerunt, ut ibi potissimum resar-

(14) Matth., XVI., 18.

(15) Ex formula S. Hormisdæ Papæ, prout ab Hadriano II. Patribus Concilii Œcumenici VIII, Constantinopolitani IV., proposita et ab iisdem subscripta est.

(16) Cf. Joan. XXI, 15-17.

(17) S. Cyr Alex ad S. Cælest. P.

(18) S. Innoc I. ad Conc. Carth. et Milevit.

cirentur damna fidei, ubi fides non potest sentire defectum (19). Romani autem Pontifices, prout temporum et rerum conditio suadebat, nunc convocatis œcumenicis Conciliis aut rogata Ecclesiæ per orbem dispersæ sententia, nunc per Synodos particulares, nunc aliis, quæ divina suppeditabat providentia, adhibitis auxiliis, ea tenenda definiverunt, quæ sacris Scripturis et apostolicis Traditionibus consentanea Deo adjutore cognoverant. Neque enim Petri successoribus Spiritus Sanctus promissus est, ut eo revelante novam doctrinam patefacerent, sed ut eo assistente traditam per Apostolos revelationem seu fidei depositum sancte custodirent et fideliter exponerent. Quorum quidem apostolicam doctrinam omnes venerabiles Patres amplexi et sancti Doctores orthodoxi venerati atque secuti sunt; plenissime scientes, hanc sancti Petri Sedem ab omni semper errore illibatam permanere, secundum Domini Salvatoris nostri divinam pollicitationem discipulorum suorum principi factam: Ego rogavi pro te, ut non deficiat fides tua, et tu aliquando conversus confirma fratres tuos (20).

Hoc igitur veritatis et fidei non deficientis charisma Petro ejusque in hac Cathedra successoribus divinitus collatum est, ut excelso suo munere in omnium salutem fungerentur, ut universus Christi grex per eos ab erroris venenosa esca aversus, cœlestis doctrinæ pabulo nutriretur, ut sublata schismatis occasione Ecclesia tota una conservaretur atque suo fundamento innixa firma adversus inferi portas consisteret.

Atvero cum hac ipsa ætate, qua salutifera Apostolici muneris efficacia vel maxime requiritur, non pauci inveniantur, qui illius auctoritati obtrectant; necessarium omnino esse censemus, prærogativam, quam Unigenitus Dei Filius cum summo pastoralis officio conjungere dignatus est, solemniter asserere.

Itaque Nos traditioni à fidei Christianæ exordio perceptæ fideliter inhærendo, ad Dei Salvatoris nostri gloriam religionis Catholicæ exaltationem et Christianorum populorum salutem, sacro approbante Concilio, docemus et divinitus revelatum dogma esse definimus: Romanum Pontificem, cum ex Cathedra loquitur, id est, cum omnium Christianorum Pastoris et Doctoris munere fungens, pro suprema sua Apostolica auctoritate doctrinam de fide vel moribus ab universa Ecclesia tenendam definit, per assistentiam divinam, ipsi in beato Petro promissam, ea infalibilitate pollere, qua divinus Redemptor Ecclesiam suam in definienda doctrina de fide vel moribus instructam esse voluit; ideoque ejusmodi Romani Pontificis definitiones ex sese, non autem ex consensu Ecclesiæ irreformabiles esse.

Si quis autem huic Nostræ definitioni contradicere, quod Deus avertat, præsumpserit; anathema sit.

«Dado en Roma en sesion pública celebrada solemnemente en la

(19) Cf. S. Bern. Epist, 190.

(20) Cf. S. Agathon. epist. ad Imp. à Conc. œcum. VI. approbata.

Basílica Vaticana el día diez y ocho de Julio del año de la Encarnación del Señor mil ochocientos setenta, vigésimo quinto de nuestro Pontificado.—Así es.—José, Obispo de San Hipólito, Secretario del Concilio Vaticano »

El Padre Santo ha dado la sancion de su autoridad suprema á los decretos y cánones anteriores, pronunciando solemnemente esta fórmula:

«Los decretos y cánones que se contienen en la Constitucion que acaba de ser leida, han agradado á todos los Padres excepto dos; y Nos *Sacro approbante Concilio*, unos y otros definimos y con Autoridad Apostólica confirmamos segun y en la forma que se han leido.»

EL LLAMADO MATRIMONIO CIVIL.

Desde 1.º de Setiembre empezará á regir la ley acerca de lo que se llama matrimonio civil, asunto gravísimo que no dejará de ocasionar lamentables disgustos y conflictos. Pronto se publicarán en este BOLETIN las instrucciones á que han de arreglar su conducta los Sres. Párrocos y Eónomos; entretanto deberán tener muy presente la Instruccion de la Sagrada Penitenciaria Apostólica que se halla en el número 22 del último año, página 196 y la que tomada del Boletín del Clero de Granada se publicó en el mismo tomo, páginas 204, 219, 226 y 248.

Seminario Conciliar de San Froilan de Leon.

La matrícula para el año académico de 1870-71, así para los cursantes de Filosofía, como para los de Teología, Derecho canónico y carrera abreviada se hallará abierta en la Secretaría de este Seminario desde el día 16 hasta el 30 del próximo mes de Setiembre, ambos inclusive, de 9 á 11 de la mañana y de 3 á 5 de la tarde.

Los exámenes extraordinarios tanto para los que no se presentaron en los ordinarios, como para los que en ellos merecieron la nota de suspenso tendrán lugar en los días 29 y 30 del mismo mes, de 9 á 12 de la mañana.

Siendo necesario para entrar á cursar Filosofía tener probadas las asignaturas de Latinidad y Humanidades, los que aspiren á matricularse en primer año de dicha enseñanza acreditarán su idoneidad en examen por escrito que se verificará en el mismo establecimiento los días 26 y 27 del propio mes, de 8 á 11 de la mañana. Es requisito indispensable para ser admitido solicitarlo previamente del señor Rector por conducto de la Secretaría del Seminario, debiendo ir acompañada la instancia de la certificacion de bautismo, la de buena conducta espedida por el Párroco y la de los estudios de Latinidad y Humanidades.

Los alumnos procedentes de Seminarios sujetos á otros Diocesa-

nos, al solicitar la matrícula presentarán juntamente con el testimonio de los cursos ganados certificación de buena conducta expedida por el Ordinario.

Los que quieran ser admitidos en el colegio de internos en clase de pensionistas lo solicitarán del Sr. Gobernador eclesiástico por conducto de su Secretaría, acompañando á la instancia los documentos mencionados en los párrafos 3.º y 4.º segun los casos.

Todos los que en el curso anterior fueron alumnos en este Seminario presentarán en la Secretaría del mismo en el acto de la matrícula, pena de no ser admitidos, la certificación de frecuencia de Sacramentos prevenida por el Illmo Sr. Castrillo, de buena memoria, en la regla 6.ª de las que tuvo á bien ordenar en 1867, y se hallan insertas en el BOLETIN ECLESIASTICO de 31 de Mayo del mismo año.

Teniendo en cuenta la carencia absoluta de recursos en que se halla el Seminario, privado de la consignacion en que libraba su subsistencia, el Sr. Gobernador eclesiástico se ha servido disponer lo siguiente:

1.º Los internos que se hallen en descubierto por el todo ó parte de sus pensiones satisfarán á la mayor brevedad lo que adeuden, no pudiendo ser admitidos hasta tanto en el colegio.

2.º En adelante la pension habrá de pagarse precisamente en la forma que dispone la Constitucion XIII de las del colegio, esto es, teniendo siempre un trimestre adelantado.

Los alumnos internos pernoctarán en el colegio el 30 de Setiembre.

El dia 1.º de Octubre tendrá lugar la apertura del curso académico con la solemnidad de costumbre, dando principio las lecciones el dia 3 del mismo mes

Lo que de orden del Sr. Gobernador eclesiástico se anuncia para conocimiento de los interesados Leon 31 de Agosto de 1870 —Alejo Pascual, Vice-Rector.

SEMINARIO DE S. MATEO DE VALDERAS.

Por disposicion del Sr. Gobernador eclesiástico se entenderá tambien con este Seminario el anuncio acordado para el de Leon.

El Illmo Sr. D. Mariano Brezmes Arredondo Obispo de Guadix y Baza se ha detenido en esta ciudad algunos dias al regresar para su Diócesi, habiendo recibido inequívocas pruebas de que nada se entibia el respetuoso afecto de los leoneses hácia Su Sría. Illma. En el dia de la Asuncion celebró misa Pontifical en la Iglesia Catedral, á cuya Basílica concurrió con este motivo un extraordinario número de fieles de todas clases y condiciones. Tambien administró Su Sría. Illma. el Santo Sacramento de la Confirmacion. Sabemos que hizo sin novedad, á Dios gracias, el viaje á su Diócesi donde era ardientemente esperado. Rogamos al Señor conserve muchos años la vida de este esclarecido Príncipe de la Iglesia.
